



Adresa: Zlatnih Ljiljana bb; Naselje Luke 5 36/4
75320 GRAČANICA

Telefon/fax: +387 (0)35 704 544
GSM Predsjednik: +387 (0)61 133 652

Identifikacioni broj: 4209165670001

Registracija: Kantonalno ministarstvo pravosuđa i uprave,
Tuzla: Br.06/05-3016/01 od 29.05.2001

Godina i rješenje BR. 06/1-05-618/07 od 16.02.2007 godine
Žiro račun NLB Tuzlanska banka d.d. TUZLA:

PREDMET: Primjedbe na prijedlog izmjene Zakona o fiskalnim sistemima Federacije Bosne i Hercegovine (Sl. novine FBiH broj 81/09)

Na osnovu zahtjeva određenog broja članova Udruženja Poslodavaca i Samostalnih Privrednika Opštine Gračanica na prjedlog i izmjene zakona o fiskalnim sistemima Federacije Bosne i Hercegovine obraćamo Vam se sa molbom da kao Federalno Udruženje Poslodavaca BiH i partner Vladi Federacije BiH još jednom razmotrite ispravnost i posljedice prjedloga promjena navedenog zakona i da uvažite sugestije i mišljenja naših članica koje su usko povezane za poslovanje i primjenu ovog zakona.

Razmatrajući Prijedlog izmjena Zakona o fiskalnim sistemima Federacije BiH, TRING d.o.o. Gračanica kao ovlaštenu proizvođaču fiskalnih sistema, zajedno s ostalim proizvođačima i zastupnicima, te ovlaštenim distributerima i serviserima fiskalnih uređaja, ima obavezu da se izjasni na prijedloge izmjena Zakona koje se mogu naći na stranici Udruženja poslodavca Federacije Bosne i Hercegovine, a sve u svrhu pravilnog razumijevanja trenutnog stanja u implementaciji Zakona o Fiskalnim sistemima i njegovoj svrsi.

1. Vezano za prijedlog Udruženja poslodavaca za izmjenu člana 5. Zakona o fiskalnim sistemima, kojim se izuzima veleprodaja iz procesa fiskalizacije, mišljenja smo da je zakonodavac prilikom donošenja Zakona **pravilno razmotrio** i uzeo u obzir sve činjenice i okolnosti kada su u pitanju izuzeci obveznika fiskalizacije.
2. Smatramo da prilikom donošenja Zakona sve uključene strane prvenstveno treba da gledaju na svrsishodnost istog, odnosno koja problematika će biti riješena donošenjem zakona te koji cilj će se postići, a pri tome imajući u vidu zaštitu interesa Federacije Bosne i Hercegovine, a ujedno i unaprijeđenje razvoja u Federaciji Bosne i Hercegovine, kao i da se spriječe svi tipovi eventualnih malverzacija, a ne da se prepisuju druga zakonska rješenja, koja u nekim slučajevima nisu ni primjenjiva na području primjene zakona.
3. Primjedba Udruženja poslodavca, da firme koje imaju registrovana predstavništva u različitim entitetima, moraju poštovati različite propise, za nas predstavlja primjedbu na ustavno ustrojstvo države, jer način funkcionisanje države Bosne i Hercegovine te primjena različitih propisa u entitetima je nešto što se ne rješava izmjenom jednog Zakona, te u ovom kontekstu predložena mogućnost da se napravi izmjena iz ovih razloga je apsolutno neosnovana.

4. Fiskalizacija u veleprodaji nije obavezna samo u cilju evidentiranja prometa, nego na ovaj način Federalno ministarstvo finansija/financija tj. **Poreska Uprava FBiH i ima pregled svih poslovnih aktivnosti privrednih i drugih subjekata, bez ikakvih dodatnih provjera, a što je osnov za kontrolu i detekciju nelegalnih poslovnih aktivnosti**, dok bi ukidanjem fiskalizacije jedini izvor za praćenje poslovanja pravnih lica bio preko Uprave za indirektno/neizravno oporezivanje, što predstavlja dodatni teret. Naime, takve podatke bi Federalno ministarstvo moglo dobiti tek po zahtjevu upućenom Upravi za indirektno/neizravno oporezivanje, što bi znatno otežalo kontrolu koju provodi Federalno ministarstvo finansija/financija i nadležna inspeksijska tijela, čime bi bio narušen interes Federacije.
5. Zakon o fiskalnim sistemima Federacije Bosne i Hercegovine, za veleprodaju je odmah predvidio olakšavajuće okolnosti u smislu da se svaka stavka ne evidentira pojedinačno, nego se cjelokupan promet evidentira kao jedna stavka, što će reći, **da je cilj fiskalizacije u veleprodaji da se spriječi bilo kakva malverzacija**, a ne da se poslovnim korisnicima oteža poslovanje. Zakonodavac je imajući u vidu šta veleprodaja sve obuhvata, pravilno pronašao odgovarajuće zakonsko rješenje. Na ovaj način svi privredni subjekti su u ravnopravnom položaju i fiskalizacijom se sprečava bilo kakva zloupotreba od strane obveznika, dok bi se ukidanjem fiskalizacije u veleprodaji otvorila vrata za brojne malverzacije, odnosno došlo bi do smanjenja nadzora države nad provođenjem aktivnosti privrednih subjekata.
6. Vežano za primjedbu da su u Brčko Distriktu dobra na veliko izuzeta od obaveze evidentiranja svakog pojedinačnog prometa smatramo također neosnovanom. Nakon javne rasprave o ovoj temi i sagledavanju interesa BD, **veleprodaja nije izuzeta iz obaveze evidentiranja** a kako je to pogrešno navedeno u prijedlogu Udruženja poslodavaca.
7. Razlozi za izuzimanje veleprodaje u RS su sasvim druge prirode.

Naime, u tehničkoj specifikaciji koja se odnosi na fiskalizaciju u RS nije ni bilo predviđeno da se vrši prijenos podataka o prometu prema pravnim licima, dok u Federaciji svrha fiskalizacije i jeste pored evidentiranja prometa, vršenje prijenosa, odnosno da se na taj način vrši i kontrola istog putem Porezne uprave Federacije Bosne i Hercegovine.
U prilog tome govori i činjenica da je u Republici Srpskoj veleprodaja bila obuhvaćena fiskalizacijom, ali kako apsolutno nije postojala tehnička osnova za to, izmjenama Zakona ista je izuzeta.
8. Evidentiranjem cjelokupnog prometa, direktno se povećavaju ukupni prihodi, što odmah dovodi i do drugačije raspodjele sredstava, tj. **raspodjela ukupnih prihoda ide u korist Federacije Bosne i Hercegovine.**
9. **Troškovi fiskalizacije koji se odnose na veleprodaju nisu dobro predočeni** široj javnosti i zainteresovanim grupama, odnosno apsolutno su pogrešni. Naime, cifra od pet do osam miliona konvertibilnih maraka ne predstavlja godišnje opterećenje obveznika, nego se radi o ukupnom trošku fiskalizacije za svih 69.000 korisnika u FBiH.

Jednostavnom računom možemo doći do iznosa od 880.000, 00KM koja predstavlja godišnji trošak fiskalizacije svih obveznika veleprodaje, a sastoji se od:

8000 (broj uređaja) x 50,00KM (trošak redovnog godišnjeg tehničkog pregleda) = 400.000,00KM

8000 (broj uređaja) x 5,00KM (cijena prijenosa podataka preko BH Telecom dd) x 12 (broj mjeseci) = 480.000,00KM

400.000,00KM + 480.000,00KM = 880.000,00KM

Ukidanje fiskalizacije u veleprodaji povući će značajne druge posljedice koje Udruženje poslodavaca nije uzelo u obzir prilikom izrade prijedloga izmjena. Naime, smanjenje broja fiskalnih obveznika direktno će dovesti do smanjenja obima posla kod 250 registrovanih pravnih lica koja se bave djelatnostima koje su usko vezane sa procesom fiskalizacije, što dodatno znači i atak na 1000 zaposlenih radnika u IT sektoru, sektoru koji je toliko bitan za razvoj privrede i društva.

Ono što je naročito značajno da se istakne u ovom obrazloženju vezano za potencijalne izmjene Zakona jeste nekolegijalnost i neprofesionalnost članova Udruženja poslodavaca koji su samo jednostrano sagledali svoje interese, a ne uvažavajući struku, praksu i iskustvo (niko od lica angažovanih u ovoj oblasti nije ni kontaktiran), te nisu bili vođeni interesom cjelokupne društvene zajednice. Također, navedena činjenica da Uprava za indirektno/neizravno oporezivanje nema ništa protiv ukidanja fiskalizacije u konkretnom slučaju nije ničim potkrijepljena, odnosno radi se o samoj izjavi bez ikakvih argumenta od strane predstavnika spomenute institucije.

Nasuprot svim proizvoljnim i netačnim informacijama koje su plasirane u javnost od strane Udruženja poslodavaca FBiH, postoji tim ljudi sastavljen od lica zaduženih ispred Ministarstva Finansija, Poreske Uprave FBiH, ovlaštenih proizvođača i servisa koji svakodnevno rade na unaprijeđenju svih procesa koji se odnose na oblast fiskalizacije i koji su otvoreni za svaki tip saradnje i dogovora u bilo kojem segmentu poslovanja, a sve u cilju razvoja ekonomije u Bosni i Hercegovini i sprečavanju svih radnji koje mogu narušiti tržišne interese svih učesnika u prometu, odnosno otvoriti mogućnost širenja sive ekonomije.

Imajući na umu sve gore navedeno, mi, ovlašteni proizvođači i ovlašteni servisi fiskalnih uređaja, apsolutno smo protiv predložene izmjene člana 5 Zakona o fiskalnim sistemima FBiH tj. izuzimanju veleprodaje iz obaveze evidentiranja prometa preko fiskalnih uređaja.

Nadamo se da će, institucije i pojedinci koji odlučuju o ovim izmjenama, imati na umu sve gore navedeno i stati u zaštitu interesa građana FBiH, tako što će spriječiti mogućnost malverzacija predloženim izmjenama Zakona o Fiskalnim sistemima a što je i osnovna svrha ovog zakona.

07-07-2019 god.

Predsjednik Udruženja Poslodavaca
Opštine Gračanica
Sead Terzić